

# INUIT ATAQATIGIIT

## Inatsisartuni



5. november 2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

### **Naalakkersuisunut apequt:**

- 1. Meeqqat atuarfianni tiimit atuartitsivissat pilersaarutaareersut qassit piffissaq kingulleq vikarilerneqarpat ukiuni 2016/2017 aamma 2017/2018?**
- 2. Meeqqat atuarfianni tiimit atuartitsivissat pilersaarutaareersut qassit timelærinit / vikarinik aalajangersimasunik isumagineqartarpat ukiuni 2016/2017 aamma 2017/2018?**
- 3. Fag-it soorliit piffissaq kingulleq vikarilerneqartarpat ukiuni 2016/2017 aamma 2017/2018?**
- 4. Meeqqat atuarfianni tiimit ukiuni 2016/2017 aamma 2017/2018 atuartitsivissat pilersaarutaareersut piffissaq kingulleq vikarilikkani atuinermi kommunini sorlarni atuinerpaappat?**
- 5. Meeqqat atuarfianni angerlarsimaffimmiluunniit atuartussaataaernermit meeqqat malinnaasussat qassit tiimini malinnaangitsut / peqanngittartut pillugit paasissutissanik aaqqissuussamik katersanik peqarpa?**
- 6. Meeqqat atuarfianni angerlarsimaffimmiluunniit atuartussaataaernermit meeqqat malinnaasussat qassit tiimini malinnaangitsut / peqataangitsut pillugit illoqarfikkaartumik nunaqarfikkaartumillu paasissutissanik sukumiisumik katersukkanik peqarpa?**

(Inatsisartuni ilaasortaq Sofia Geisler, Inuit Ataqatigiit)

### **Tungavilersuut:**

Meeqqat atuarfiat pillugu oqallinneq ingerlasoq nalunaarutillu assigiinngitsut suliarineqartarsimasut innersuussutigalugit aammalu meeqqat atuarfiata tunniutagaata pitsaassutsip tikkuarneqartarnera innersuussutigalugu vikarit meeqqat atuarfianni atorineqartarnerat pillugu apeqquteqarpunga. Naak ilisimagaluarlugu meeqqat atuarfiisa ingerlanneqarnerat kommunenit isumagineqartoq.

Kissatigivara apequtikka ullut suliffusut qulit qaangiutinninneranni akineqarnissaat.